



廣西通志卷二百六十七

列傳十二

太平

鎮安

鬱林

宋珊

宋珊

鄧祥龍

鄧宗孔

何埏

林翔鳳

趙壘

岑珍

麥士奇

已上
太平

岑統巍

黃志翰
韋天錫

韋天憐

李子叢

已上
鎮安

龐孝泰

徐疆

李時亮

秦懷忠

洗積中

但中庸

陳應

龐森

陳國寶

龐贊

梁經

陳敏

曾才魯

陳伯魁

陶成

子魯

李養

李宏

梁霖

楊榮

文旭

龐經

何清

周南
龐杰

莫普

莫相

陳明錦

何世綸

文潛

關鎮南

文桂

黎聰

何世錦

何以尚

何敦復

牟春華

吳貢珍

張思調

晏景卿

譚汝試

龐夢桂

王銓
子道大

李日英

唐之夔

黎伯寬

梁龍

黃燦然

龐希睿

晏然文

郭志

黃曉

蒙克悌

卷之六

龐人統

鄭振祖

弟技祖
顏伯素

楊嗣秉

馬若光

龐穎

張映軫

蘇季元

李維藩

李甲先

兄甲芳

李廷芬

陳朝圭

譚載球

文兆龍

文炳緒
呂鵬美
蘇仲

何取
上鬱林
已

明

宋瑚崇善人成化戊子舉人樂昌知縣歲饑民絕
食瑚立法振濟度其地可藝麻菜令家人取種敷
斗給民種之菜熟活人甚衆民德之呼爲宋公菜

金志

宋珊字宗器崇善人幼失父事母以孝聞仲兄璉性褊急珊克承其意由太學生授蒙城縣丞會江北大饑奉檄賑濟區畫周悉活饑民以萬計已而流賊四起練民兵拒敵城得全小河灣盜復熾上官檄珊帥兵討之斬首百餘級賊遂退馳驅兵荒閒以疾卒於官蒙民莫不悲涕祀名宦

同上

鄧祥龍崇善人幼孤貧以糧役爲邑令所笞奮志從師析薪汲水以代修脯後爲舉人任寧州知州有惠政

一純志

鄧宗孔崇善人嘉靖壬戌進士授都察院都事後

遷金華知府政治有賢聲

文載

何埕崇善人嘉靖時爲府諸生好登覽山水所至輒有題詠事父母至孝赴貢試比至聞父病癰卽趨歸父癰痛劇吮之痛稍定盥漱焚香祝天願以身代如是者數月父卒哀號徹晝夜路人爲之泣下有司以聞詔加旌獎

同上

林翔鳳崇善人爲諸生時授徒里中人有自鬻以葬其親者卽以所得館金爲代贖之中萬歷開鄉試授永平推官決獄多所平反察劾不憚權要遷貴州僉事袁崇煥薦爲軍前贊畫有功賜蟒玉及歸門第卑隘如昔人益重其操

李志

趙壘字國重崇善人由歲貢授桂林訓導常念麗
江喪祭過後乃取考亭家禮酌以俗宜編次爲書
名曰喪禮儀節以遺鄉閭鄉人翕然從之以終養
乞歸祀府學鄉賢

金志

岑珍字廷聘崇善人由監生任臨高知縣聽訟不
事擊斷惟勸諭之使自解釋訟日以稀在官三年
以耄乞歸居家嘗質峒民田峒民靳不與反誣訟
之知府周允訊得其情將罪峒民而追還所質之
金珍曰民爲貧所迫故忍爲無情之辭若加罪而
責之償金將奚出珍不願還金矣人益賢之卒祀

鄉賢

據太平府志增

國朝

麥士奇崇善人康熙己酉舉人性至孝時狼兵蹂躪境上士奇母老不能行乃躬負母夜走四十里入那寅山中以避母亡哀毀骨立生平好讀書設教三十年死之日不能殮門人殯葬之

金志

右太平府

國朝

岑統巍天保人康熙十三年賊沈紹基作亂十九年九月再破甯城殺通判胡摺思攫其印後官兵至賊遁隴幕峒恃險自固圍之不下督將恩以計弛其備募能使賊巢者統巍與黃志韜韋天錫應

募白督將曰我說賊先令其還印印還彼必無鬪志將軍急攻之賊可破也遂詣尙以詭詞說賊且皆請爲質賊信之以印還賊方冀解圍去而圍益力賊皇遽失措乃悟三人給已腰斬之多峨嶺賊

尋滅

宋訪冊

韋天憐天保人母病且亟醫謝去天憐跪醫前固請之醫給之曰割股其有瘳乎天憐遽入室持刀袒衣令妻割妻逡巡不前乃自以鉤鉤左股肉令起以刀斷之爲羹以進明日母病果瘳時康熙三十年天憐年四十一又三十年乃卒

李子叢歸順州人少喪母父再娶子叢事之惟謹

門以內藹如也其後父以事出後妻所生子環泣請留不聽子叢朝夕委曲諷諫父感其誠卒得迎歸乾隆十六年卒父慟之以爲孝子

俱同上

右鎮安府

唐

龐孝泰博白人龍朔中以左驍騎將軍爲遼東道行軍總管與蘇定方程名振等征高麗嶺西兵逼蛇水蓋蘇文來攻孝泰與戰手殺數十人兵少力屈死之

一統志

宋

徐噩字伯殊其先洪州人五世祖名甲唐元和中

爲邕管經畧使遂家白州

金志

聖仁宗朝鄉舉攝宜

州討區希範有功授白州長史皇祐中儂智高叛

聖引兵追至函陽大捷歷戰於金城驛援兵不至

而死贈大理寺丞

一統志

李時亮字端夫博白人嘉祐中舉進士累官知廉

州有治聲熙寧中交人犯境獻平邊十策及疏時

政得失五十事神宗嘉之累遷檢校散騎常侍兼

御史大夫時亮善屬文尤長於詩與同官陶弼相

賡和有詩曰李陶集

文載

秦懷忠字伯良博白人嘉祐初以進士令徐聞有

異政再任雷州推官平反冤獄擢僉書雷州軍事

歷知容州

一統志

洗積中北流人紹聖進士官朝請大夫知白州事

有治聲

但中庸北流人進士官至廣州提點刑獄砥礪名節政績著聞

陳應博白人德祐中爲南流尹元以譚道福知鬱林州應與提刑鄧得遇合謀倡義奮勇登城殺邏卒道福遁去得遇疏上其事擢應藤州知州後元兵大至得遇死難應削迹不知所終

俱同上

元

龐森字茂卿北流人舉至順鄉舉令臨高擢台州

通判制行高潔以古名賢自期嘗書漢循吏傳於

壁以自警

文載

陳國質興業人至正間官瑞金教諭旋擢太僕寺

丞

一作太常博士

明定鼎金陵遂致仕自號節庵著有節

庵集

金志

謹案金志原文誤作舉經明行修說見選
舉表

龐贊北流人性高邁動以古自期嘗筮得遯遂韜
才屏跡隱於白馬灣以方正礪俗或比之管寧王
烈郡縣錄其實行聞於朝徵之不就賜敕旌之

金志

明

梁經北流人洪武甲子舉人授東莞教諭性恬淡不以勢利動其心訓迪生徒務以誠實爲本祀鄉

賢

文載

陳敏陸川人由監生授韶州推官擢任儋州寬厚得民以憂歸民遮道乞留九年復改泗州儋人祀

各宦

金志

曾才魯鬱林人襁褓而孤母楊年十六撫教之中洪武丙子鄉試由新泰教諭擢國子學正未幾乞終養歸母卒號慟輒氣絕或規諫奈何蹈滅性之譏才魯曰人皆有二天我獨一天云胡不痛宣德間副使王凱旌表之祀鄉賢

陳伯魁興業人洪武朝以經明行修舉授本縣訓導集生徒問難經義不窮時有便便腹笥孝先再世之譽擢南海教諭卒於官著有五經訓義俱同上

陶成字孔思鬱林人永樂中舉於鄉除交趾鳳山典史尙書黃福知其賢命署諒江府教授交人化之秩滿遷山東按察司檢校用薦擢大理評事正統中以劉中敷薦超擢浙江僉事成有智畧遇事敢任倭犯桃渚成密布釘板海沙中倭至艤舟躍上釘洞足背倭畏之遠去秩滿進副使處州賊葉宗畱陳鑑胡陶得二等寇蘭溪成擊斬數百人進屯武義立木城以守誘賊黨爲內應前後斬首數

百生擒百餘人又自抵賊巢諭降者三千餘人賊勢漸衰惟得二向在久之勢復熾擁衆來犯先遣其黨十餘輩僞爲鄉民避賊者以敝緇裹薪闌入城及成出戰賊持薪縱火焚木城官軍驚潰成與都指揮僉事崔源戰死時景泰元年五月也事聞贈成左參政錄其子魯爲八品官魯字自強廕授新會丞當是時廣西徭流剗高廉惠肇諸府破城殺吏無虛月香山順德聞土寇蜂起新會無賴子羣聚應之魯召父老語曰賊氣吞吾城不早備且陷若輩能率子弟捍禦乎皆曰諾乃築堡砦繕甲兵練技勇以孤城捍賊衝建郭掘濠布鐵蒺藜刺